

San Cibrao das Viñas

Rutas de Sendeirismo



ACCESOS

Pódese acceder ás rutas a través da:

- N-525.
- Estrada Provincial Celanova-Ponte Sevilla
- A-52

Outros datos de interese:

Próximos ás rutas podemos encontrar varios restaurantes, onde se pode degustar a comida típica da zona;

- Restaurante Mira Valle (Currás)
- Restaurante "A Farixa" (A Farixa)
- Restaurante San Rosendo (Ctra, N-525)
- Restaurante Casa Cid (Reboreda)


Lugares onde nos podemos aloxar:


- Hotel Mira Valle (Currás)
- Hotel San Rosendo (N-525)
- Hostal Cid (Reboreda)

Servizo de guía para grupos con máis de 15 persoas, en días laborables. Solicitud e información nos Telfs. do Concello.

Para máis información:

www.sancibrao.es/sendeirismo





Lugares de Interese


RUTA A

- **Boutureira**
- **Capela de San Roque**
- **Outeiro Calvo**
- **Boutureira**

Código: OU-A-32910-1 | Duración: 1 h. 40 min.

Quilómetros: 6,2 | Dificultade: media

- A andaina ten a súa orixe na Boutureira, fermosa paraxe natural, composta por unha presa natural e unha ponte de madeira. Neste caso, procédese á saída desde a marxe esquerda do río Barbadás, xusto ó lado do muíño.
- Na metade da ruta, aproximadamente, atopámonos cunha pequena desviación á esquerda, que nos levará ata a capela de San Roque. Trátase dunha pequena capela de estilo neoclásico, século XIX, onde o que chama a atención é a súa espadana, con pináculos de bola.
- Ó pasar polo lugar de Outeiro Calvo, -fermosa aldea tradicional galega-, continuámo-la ruta por pista forestal, chegando, de novo, ó punto de partida.



Muíño de auga da Boutureira

- Esta construcción data do ano 1889, foi restaurada polo Concello de San Cibrao das Viñas, no ano 2006.
- Consta dun corpo cuadrangular con tellado a unha auga.
- O material usado na construcción, como podemos ver, é cachotería.
- Na parte inferior van depositados os rodicios, aparece un arco, onde se lle dá saída á auga ó leito do río. Na parte superior, podemos ve-la sala de moer, que é onde se albergan os mecanismos de moenda.

Capela de San Roque

- Pequena capela de estilo neoclásico, do século XIX, dunha soa nave e cuberta a duas augas, onde chama a atención a súa espadana, que está decorada con pequenos pináculos de bola (seguramente influencia do barroco rural anterior, tan arraigado nesta zona).



RUTA B

- Boutureira - Laxe - Rego - Boutureira

Código: OU-B-32910-2

Quilómetros: 6,4

Duración: 1 h. 50 min (aprox).

Dificultade: media


- A andaina ten a súa orixe na Boutureira, paraxe natural situada en Soutopenedo, desde onde sae unha pista que bordea sinuosamente o río Barbadás. A un quilómetro do punto de partida, aproximadamente, encontramonos cos pobos de Laxe e de Rego, onde se poden visitar os dous pazos que vamos a atopar nesta ruta
- A andaina continua de novo por pista forestal, a dous quilómetros, xiramos a man dereita ,por camiño tradicional, donde encontraremos a máis esquerda tres pozas de regadío tradicional. Seguindo a andaina chegamos novamente ó río Barbadás, pasando por riba unha fermosa ponte de pedra ,regresando o punto de partida por pista forestal-tradicional que nos leva xustamente, xunto a un fermoso muíño de auga, no que se distingue un corpo rectangular con tellado a unha auga; o material usado na súa construcción é cachotería.

Pazo de Laxe :

- Edificio de planta rectangular, alargada. O modo de construcción é de pedra de cantería e nalgún caso pedra labrada. A época de construcción é de principios do século XIX. Destaca a súa fermeza cheminea, que sen dúbida é mostra de que antano aquí houbo unha gran casa señorial. Aínda que o seu estado de conservación non é moi bo, xa que se fixeron reformas posteriores pouco acordes co modelo orixinal, está considerado patrimonio cultural. Actualmente o seu uso é residencial-privado.

Pazo de Rego

- Edificio de planta rectangular, alargada. O modo de construcción é de pedra de cantería e nalgún caso de pedra labrada. Destaca o seu fermoso patio interior cunha gran fonte. Está considerado patrimonio cultural e o seu estado de conservación é bo. Actualmente este pazo ten uso residencial privado.
- A vinculación do pazo galego á cultura popular é indiscutible, tal e como o demostra a gran cantidad de lendas, contos e poesías que ó largo da historia o foron convertendo no protagonista do medio rural no que se erixe, cumprindo o papel das vilas rurais, en xeral, na arquitectura europea.
- Estas grandes xoias da cultura galaica, cuxo orixe arquitectónico se remonta ós castelos e fortalezas medievais e á súa posterior transformación civil ó inicio da Idade Moderna, son casas fidalgas edificadas no campo, de proporcións e formas más suntuosas e superiores ás do hábitat normal da zona, como sen dúbida é o caso do Pazo de Rego, cun patio interior con fonte, adornado cunha gran balaustrada.





RUTA C - *Boutureira* - *Muíño de Soutopenedo*

- *Igrexa de San Miguel* - *Cruceiro de Soutopenedo*

Código: OU-C-32910-3

Quilómetros: 2,4


Duración: 50 min.

Dificultade: media

- Nesta ruta, cuxo punto de partida é a Boutureira, dirixímonos por pista forestal ata o muíño de Soutopenedo. Aquí, poderemos ver un muíño do ano 1886, restaurado polo Concello de San Cibrao das Viñas no ano 2003. A restauración levouse a cabo conservando a súa estrutura tradicional.
- Case ó final da ruta, atoparémonos coa Igrexa de San Miguel de Soutopenedo, que é unha construcción románica do século XII, con achegas posteriores do Barroco. Xusto ó final desta ruta, atoparémonos co cruceiro de Soutopenedo, construcción do século XVIII. Preséntase elevado sobre unha plataforma de forma cuadrangular, con varal octogonal, sobre a que podemos ver un capitel corintio. No anverso podemos observa-lo suplicio de Xesús e no reverso a dor de María.

Igrexa de San Miguel de Soutopenedo

- Templo románico do século XII, con reformas posteriores. Igrexa de plan basilical, sobre a que podemos ver unha torre de tres corpos.
- A fachada presenta pilastras que se pechan cara abaixo, sobre taboleiros de placas. Tamén chaman a atención os ollos de boi (ventás oxivais) que serven para unha maior entrada de luz á nave.
- Así mesmo, presenta unha ferrada torre barroca, posiblemente do século XVIII, na cal podemos observar unha balaustrada, con pináculos de bolas.
- O tellado desta construción é a dúas augas, con pequenas gárgolas que sen dúbida se usaban como aliviadoiro de auga de chuvia. Algúns autores resaltan que a presenza de gárgolas nas igrexas era para afasta-los males do santuario ou ós infieis.



Cruceiro de Soutopenedo

- Cruceiro do século XVIII, sen dúbida os cruceiros son unha das máis características e orixinais manifestacións da arquitectura popular galega.
- O cruceiro está levantado sobre unha plataforma de forma cuadrangular, composta por escaleiras.
- Sobre a plataforma sitúase un pedestal de forma cuadrangular, con varal octogonal, sobre a que podemos ver un fermoso capitel corintio.
- No anverso da cruz amósase o suplicio de Xesús e no reverso a dor de María.




RUTA D

**- Boutureira - San Cibrao das Viñas
- O Condado - Noalla - Ponte Noalla
- Castroverde**

Código: PR-32910-OU

Dificultade: media



Igrexa de San Ildefonso de San Cibrao

- Esta construción data entre os S.XVI-XVII. De estilo claramente plateresco.
- Adosada ao lateral da fachada, álzase a torre do campanario con tres corpos e con ocos para oito campás no 3º nivel.
- No atrio da igrexa, eríxese un fermoso cruceiro do S. XVI.

Capela do Santo Cristo de San Cibrao

- Capela do S.XII, un claro exemplo do románico rural.
- O modo de construcción é sillería isodoma. É de planta rectangular, cunha soa nave.
- A porta principal conta cun arco de medio punto con grandes dovelas.
- Destacan os canzorros nos laterais da capela.

Duración: 3 h. 15 min. | Quilómetros: 11,5 Km.

Iniciamos a ruta na Boutureira dende a marxe esquerda do río Barbadás, ata chegar a San Cibrao das Viñas. Pronto nos decatamos do grandioso patrimonio cultural co que a vila conta, a través da súa igrexa, capelas, cruceiros, fontes,...

Avanzamos por camiños salpicados de tradicións e moldeados pola forza da natureza; con predominio de carballos, bidueiros, castiñeiros, érbedos,... Preto de O Condado, divisamos o Pazo de Noalla e a Casa Reitoral, edificacións de gran importancia no S.XIX. A ruta continúa ata chegar ao fermoso muíño de

Castroverde.

O Condado

- Antigo núcleo de gran importancia a comezos do S.XX, xa que era o lugar de paso de arrieiros e lugar de xuntanza.

Muíño de Castroverde

- Situado na marxe esquerda do río Barbaña, accedemos a través dunha ponte de lousas de pedra.
- O Muíño data do ano 1876. Restaurado polo Concello de San Cibrao das Viñas no 2010.
- Antigamente servía para a moenda de cereais como: avena, centeo e sobre todo millo. Polos que había que pagar unha maquía por cada ferrado de grao.

LENDAS / INDICATIVOS:



Dirección de ruta



Dirección errónea



Desvío á dereita



Desvío á esquerda



Dirección de ruta



Dirección errónea



Desvío á dereita



Desvío á esquerda





Concello de San Cibrao das Viñas

Telfs . 988 381 034 - 988 382 809 • www.sancibrao.es



PROXECTO COFINANCIADO POLA
INICIATIVA COMUNITARIA LEADER +



XUNTA
DE GALICIA

